

Gou Caeuq Aendaehsaw Gou

贵港市覃塘区蒙公镇古山小学六年级 Veiz Yicinh/韦玉珍



Gou miz boux doih ndei ndeu. Haetromh de buenx gou coh daengngoenz bae hagdangz, banhaemh daengngoenz roengzbya, de youh caeuq gou doxcaez longz geubuh fwjhaemh byaij ma ranz, de couhdwg baengzyoux ndei gou——daehsaw gou.

Daj gou baez daih'it raen de, gou couh gyaiez de. Baihrog de dwg saekhoengz, baihgwnz boemz miz duznou Mijlajusuj dwggyaiez ndeu, gwnz gyaiej duznou cug miz aen hotmbungqmbaj hung ndeu, daenj geu vunjraez saekaeuj, gwnzhwet venj diuz saihwet saekloeg, din daenj gouhhaiz saekmaeq, couh lumj dahlwg vuengzdae q baujboiq nei, cij raen de cik fwngz daemx hangz, cingq youq gwnz ceij sij gijmaz.

Aendaehsaw baen miz geij gek, ngoenznaengz gou cungj gaengawq gocwngz anbaiz, dawz saw caeuq cozyez baenloih cuengq caezcingj.

Daehsaw gou cungj dwg mbouj aeu

hoizbauq fugsah gou, caeuq gou caemh vuenheij caez siengsim. Mwh gou guh saeh ngaiznged, mbouj gibseiz sousib de roxnaeuz mbouj siujsim loengh de luenhlablab, de naihsim naeuz gou nyi: Vaiq di gaemndaet seizgan sousib ndei, aeu insik seizgan ha. Mwh gou gaujsi cingzcek mbouj habhoz, de buenx gou caez siengsim nanzgvaq, doengzseiz nai gou: Saetbaih couh aeu hag gvai, baezlaeng cijaeu lai roengzrengz, itdingh ndaej gyaep hwnj baihnaj bae. Mwh gou ndaej haenhndei, de caeuq gou doxcaez faenyiengj gij angqyangz gou, caemhcaiq gienq gou ciengeiz mbouj ndaej ndaengmoj, laebdaeb roengzrengz, ceng' aeu guh lai ndei dem.

Aendaehsaw mboujdan dwg doih ndei gou, engq dwg baengzyoux mizik gou, de seizseiz daezsingj gou hagsib, coi gou cinbu, riengz gou majhung.

(bouxlauxsae son' gyauq Luz Ging-

fungh)

Doxnyiengh Doxrox

Ndaw sujgyaj banhaet ndeu, gou ndwn youq gwnz yangzdaiz, sup hoengheiq singjsien, yawj gij va gou ndaem haenx youq laj ndit doxcanj haiva, ndawsim geijlai angq ha.

Mwhde, daj gwnz laeuz cienz daeuj sing bek fandenz "bub bub bub". Gaendwk, faiqqung caeuq faenx lumj doek nae nei mbin roengzdaeuj, gij "doxgaiq uq" neix caeuq gingjsaek gyaendei baihnaj gou gig mbouj doxdaengh. Gou nyaenx mbouj ndaej hat naeuz: "Bek gijmaz bek, haetromh couh uqlah hoengheiq!" Hoeng sing bek gwnz laeuz mboujdan mbouj dingz roengzdaeuj, lij bek ndaej engq haenq dem. Fouznaih de youq baihgwnz ciemq dieg ndei, gou cijndei doiq haiej ranz daeuj. Gvaq yaep ndeu, sing bek denz dingz roengzdaeuj lo, gou ganjvaiq okdaeuj, dawz aen huzraemx bang gij va gou deng uq haenx "swiqndang". Naedraemx sawndik youq gwnz mbaw ringxndindi, miz geij ndik lij cabheiq buet roengz laj laeuz bae. Gou swnh raemxndik yawj roengzbae,

yo, gij
raemx

de cingqcingq ndik deng gwnz denz ranz laj laeuz dak haenx. Gou gip lo, baenzlawz guh ha? Couh youq mwhde, daxbuz ranz laj laeuz iet aen'gyaeuj okdaeuj, de yawjyawj fandenz, youh ngiengx gyaiej yawjyawj gou. Gou engq lau lo, lau de ndaq gou, gou couh saetnaj lo. Byawz rox, daxbuz riuriu, hozswnh doiq gou naeuz: "Ngoenzneix mbwn ndei, dwg yaek rwed raemx gova lo, yawj gij va neix hai ndaej geijlai gyaie ha!" Gangj le, de daenq fandenz gvaq henz bae, haiej ranz bae lo. Gou gyaengj youq lo, daxbuz ranz laj laeuz yienghneix guh lumj daezsingj gou gijmaz nei. Gou roengzrengz bae naemj, hoeng sing bek gwnz laeuz sawj gou fwt singj gvaq-daeuj.

"O, gou rox lo!" Gou angqvauvau, iet gyaiej ok yangzdaiz bae, ngiengx gyaiej yawj coh baihgwnz, cingq ngamj daxheiz gwnz laeuz hix yawjraen gou. Gou riu dwk doiq de naeuz: "Daxheiz, mbwn baenzneix ndei, dak denz geijlai ndei ha!" Mwhde lwnz daengz de gyaengj youq lo, cij raen de naj nding lo, yaengyaeng bek fandenz song mbat, couh haiej ranz bae lo.

Siengj rox gou rox gijmaz loma?
Gou rox lo: Laxlawz doxnyiengh doxrox

ndaej lumj raemx-raeuj nei vaq gij nae nit ndawsim vunz bae, vaq gij saeh hozndat bae.

Gou ndwn youq gwnz yangzdaiz, rox-nyinh seizneix ndit engq raeuj engq rongh lo.

(seiq nienz-gaep Vangz Swjgiz)



Daxbuz Gou

贵港市覃塘区蒙公镇凌寺小学六(1)班 Couh Fungswnh/周凤森

Daxbuz gou gaenq roekcib lai bi lo, youq gwnznaj luenzlulu de miz doiq lwgda ronghliklik caeuq aen ndaeng lingzloengz ndeu. Aenvih de bingzciengz gyaiez bang vunz, gyoengqvunz raen de le, cungj yiedcingz caeuq de ganggoj camndei, couhdwg lwgnyez raen de le, hix cungj caenciet dwk hemq sing "daxbuz ndei".

Bi' gvaq seizdoeng, dienheiq gig nit, ranznden buz Lij bingh lo, ninz youq gwnzcong z gyangznaek gywggywg. Buz Lij mbouj miz lwg youq henz ndang ciuqgoq, gig siliengz. Daxbuz gou rox le, couh bae yihyen cawx yw, dauqma youh dawz yw soengq daengz henz bak buz Lij. Mwh de yawjraen buz Lij naengh hwnjdaeuj mbouj bienh, daxbuz gou couh aeu denz daeuj, demh youq baihlaeng de, hawj de menhmenh ing, yienghneix, buz Lij couh roxnyinh cwxcaih lo. Buz Lij gikdoengh dwk gangj: "Mwngz ciuqgoq gou, caen lumj ciuqgoq vunz ndaw ranz ityiengh." Daxbuz gou riu dwk gangj: "Miz dwgrengz, daihgya wnggai doxbang." Daxbuz gou ngoenzngoengz cungj bae ranz buz Lij ciuqgoq de, mbouj geij nanz, buz Lij bingh ndei lo.

Lij miz baez ndeu, gou caeuq Siujmingz cuengqhag dauqma, youq gwnz loh, Siujmingz mbouj siujsim deng laemx lo, gyaiejhoq lwed lae mbouj dingz, de in dwk daejnganga. Cingq youq seizde, daxbuz gou dingqnyi sing daej, couh gipmuengz daj ndaw suenbyaek buet gvaqdaeuj, aeu gaiqbaengz bau gyaiejhoq Siujmingz ndei, aemq de ma ranz. Ma daengz ranz, daxbuz youh aeu yw daeuj cat, doq cat doq gangj: "Mbouj youqgaenj law, gvaq geij ngoenz couh ndei lo, baezlaeng byaijloh aeu siujsim di." Doeklaeng, daxbuz youh aeu ngaiz daeuj hawj Siujmingz gwn, Siujmingz gikdoengh dwk daej lo.

Daxbuz gou sim gig ndei, gig gyaiez bang vunz, ndigah gyoengqvunz gig gyaiez daxbuz gou.

(bouxlauxsae son' gyauq Veiz Libingz)